


Che tùi chit-ê chit-si-lâng chiáh chhēng lóng
bô thang an-ún, tiāⁿ-tiòh ê cha-bó-lâng lâi
kóng, bê-su sī tiòng-tiòh “ài-kok
chióng-kòan” ê tē-it tèk-chióng--leh!
Jī-chhiáⁿ góa koh sī góan a-pah kap a-mah
ñng-pēng ka-chòk lâi thâu-chit-ê i-seng!
Mā-sī góan kò-hiong Pó-sim-hiang ê
thâu-chit-ê i-seng! He sī 1972 nî 8 gòeh-hūn
ê tãi-chi. Góan a-pah chiū-sī tī hit-nî ê 3
gòeh-hūn chiah khai-sí chiáh m̄-chiáⁿ
thâu-lō. I tī chit-keng biō--nih chò cháp-bū,
kiam kái-soeh chhiam-si. Chit kò-gòeh thàn
3,000 khó. Che sī A-mah jîn-seng siōng
khòai-lók ê sī-chūn, ū chhái-sek ê keng-ti
thang khòaⁿ, ū hó chu-bī ê sit-bút thang
chiah, mā ū hó thiaⁿ ê ôe thang phò-tāu, koh
ū hó chiân-tô ê hâu-seⁿ kap i khai-káng!

Tân-sī chit-ê hó-thiⁿ-nî chiah i-chhi
bô kúi nî chiū kòe--khì! Tī 1975 góan a-mah
hōan-tiòh chú-kióng gâm. Hit-chūn góa
i-hák-īⁿ 3 nî, i-hák bô siáⁿ bat. Kan-ta ē kì-tit
koh sàng A-mah khi khui-to, *Wertheim*
operation. Khui-to liáu A-mah ê cheng-sîn ū
khah chha, thé-lát ū khah sit. Chóng-sī i
m̄-bián hōan-ló chiáh chhēng. Siāng-sī góan
mā tī hit-chūn bé 1 keng kong-gū, m̄-bián
koh kiaⁿ bô chhù thang tóa! Tī che
chìn-chēng, góan lóng sòe-chhù khiā. Kàu
góa thák i-hák-īⁿ tē-6 nî, A-mah ê
chú-kióng-gâm koh hoat-chok, koh sàng khi
Tâi-pak ê Êng-bîn Chóng-īⁿ tiān-liâu. Tùi

hit-chūn khi, A-mah ê sin-thé chit-jit chit-jit
jú lâi jú báí. Tiāⁿ-tiāⁿ ài tóa pēⁿ-īⁿ. In-ūi
án-ne, góa i-hák-īⁿ siōng-bóe-nî ê sit-sip
chiū sóan-ték tng-khì Tâi-pak ê Khong-kun
Chóng-īⁿ. Án-ne góa khah hó chiàu-kò
A-mah, mā khah séng só-hùi. A-mah tī 1 nî
lâi lóng-chóng tī pēⁿ-īⁿ ê ka-hō pēⁿ-pāng
chhut-chhut jip-jip siōng-chió mā ū 3,4 pái!
Góa pit-giáp liáu khi chò-peng, A-mah
iū-gōan káng-khóan chhut-jip Khong-kun
Chóng-īⁿ ê ka-hō pēⁿ-pāng. Kàu 1980 nî 9
gòeh 26 ê ē-pó 6:30 chiū tī pēⁿ-īⁿ lâu--khì!
Tùi chhut-si ê 1921 nî 4 gòeh 19 (kū-lèk 3
gòeh chhe 1) kàu lâu--khì ê 1980 nî 9 gòeh
26 (kū-lèk 8 gòeh 18) A-mah lóng-chóng
chāi-seⁿ 59 hòe koh 5 kò-gòeh, bián-kióng
sng 60 hòe!

Che chiū-sī góa khó-liân koh
pháiⁿ-miā ê a-mah!



Nng-Chióng Sim-Chēng

Lē-soat

Saⁿ-gòeh té, chiūⁿ A-lí-san siúⁿ
eng-hoe, sūn-sòa khi San-bí-chhoan ê
Tâ-ná-i-kū chhit-thô.

San-bí-chhoan sī gōan-chū-bîn
Chó-chòk(鄒族) ê pō-lòh, Tâ-ná-i-kū
gōan-chū-bîn-gí ê i-sù chiū-sī
Bông-iu-kok(忘憂谷), sī óa tī
Chan-bûn-khoe gōan-thâu ê só-chāi, iā-sī
Tâi-oan kok-pó-hi ”kò-hi “ ê kò-hiong.

Kòe-khì, San-bí-chhoan sī óa-khò chêng-chō lâi î-chhî seng-òah, hui-siông sàh-chhia.

Cháp-gō-tang chêng, chhoan-bîn lī-iông thian-jian chu-gōan, chòe hô-chhoan pó-iòk ê khang-khòe. Uī-tiòh beh pó-hō chit-tiâu khoe-á, jít kap mê lóng ũ lêng teh sùn-lô. Keng-kòe tã-ke ê phah-piàⁿ, chit-tiâu khoe-á koh òah--khí--lâi--lah, kui-tiâu khoe-á-chúi chheng-chheng-chheng, gōa-á-nih chē ê hī-á chū-iū-chū-chāi siū-lâi-siū-khì, hō lêng khòaⁿ-tiòh chin kám-tōng, koan-kong-kheh jú-lâi jú-chē, in ê seng-òah tit-tiòh chin tōa ê kái-siān.

Kòe bô jōa-kú tī Lâm-tâu ê Tan-tāi-khoe hoat-hiān saⁿ-cháp chia chúi-lòk-á ê si-thé, khoe-á-chúi, khoe-á-piⁿ, kui-phiàn ê hoeh-jiah, lòk-jiông kap lòk-pian chá chiū hō lêng koah--lòh--lâi, thèh--khì--lah.

Tâi-òan chúi-lòk-á sī Tâi-òan siông tōa hêng ê chiáh chháu ê tōng-bút, sin-kōan ũ 178 kong-hun, keng-thâu kōan 120 kong-hun, thè-hêng kōan-tōa, mng ê sek-chúi kim koh súi, kò-sèng un-sùn tī chúi-piⁿ bān-bān..a, chít-chhùi chít-chhùi teh chiáh chháu-á, ñng-liáp bák-chiu îⁿ-lìn-lìn, thâu khi-khi, liáh lêng kim-kim-khòaⁿ, chin siān-liông koh chin kó-chui.

M̄-kú, lòk-á--ah lòk-á, lí kiám m̄-chai lí ê kak chiok pó, chiok tát-chiⁿ? Lí kiám m̄-chai chin-chē ê Tâi-òan cha-pó-lâng lóng hôai-gī ka-kī pāi-sīn tó-iông, ài óa-khò lí ê tōa ki pian lâi chòng-iông? Tâi-òan ê chheng-san lèk-súi ká lí phiàn lâi chia, liáu-āu, siah lí ê kak, koah lí ê pian. Lòk-á--ah, lòk-á, lí nā beh tâu-thai, bák-chiu ài peh kah kim---leh, m̄-thang koh lâi chit-ê chêng-hú bô-lêng peh-sèⁿ iá-bân ê só-chāi--ah!



tr ã ã tr ã tr tr ã ã ã

Hōe-tiúⁿ ê òe

Khá-lē kap Si-chong

sio Khan-chhiú

Lán Ko-hiông Tâi-gí Lô-má-jī Gián-sip-hōe ê a-ché, a-hiaⁿ kap Tâi-bûn kài ê hó pêng-iú, tã-ke CTT!

Lán Ko-hiông Tâi-gí Lô-má-jī Gián-sip-hōe ê hōe-òan, mā-sī TOJ ê Pian-chip kap Chóng-pian-chip, Koa Khá-lē I-su kap Tēⁿ Si-chong I-su, tī 2001 nī 7 gòeh chhe 8 tī Pîn-tong kiát-hun chò khan-chhiú.

Hit-jít lán ê hōe-iú kap Tâi-bûn kài ê pêng-iú lóng-chóng ũ óa 5 tè-toh ê lêng lâi chiáh in ê sin-niū-chiú. Ū tùi Bí-kok chē hui-ki poe beh 10,000 kong-lí tng--lâi..ê, ũ tùi Tâi-pak lâi..ê, mā ũ tùi Tâi-lâm lâi..ê.